

ახმეტის მუნიციპალიტეტის საკრებულოს  
მორიგი სხდომის  
ოქმი № 17

ქ. ახმეტა

4 ნოემბერი 2020 წელი

სხდომას თავმჯდომარეობდა: თამარ ყვინიშვილი - ახმეტის მუნიციპალიტეტის  
საკრებულოს თავმჯდომარე

ს ხ დ ო მ ა ს ე ს წ რ ე ბ ო დ ნ ე ნ:

საკრებულოს წევრები: რ. ბაღაკაშვილი, ბ. ჭიჭიკლიშვილი, მ. კოხტაშვილი,  
ა. ხიზანაიძე, ნ. ალავიძე, თ. ბორჩაშვილი, ვ. სუხოშვილი,  
გ. ხუცურაული, გ. ხადიშვილი, რ. გახუაშვილი,  
ი. მრელაშვილი, დ. იმერლიშვილი, თ. მგელიაშვილი,  
ა. შათირიშვილი, ლ. ითიურიძე, რ. ალხანაშვილი,  
გ. მაისურაძე, თ. მოზაიძე, ფ. შიომღვედლიშვილი,  
თ. ბოდაველი, ვ. დედაბრიშვილი, შ. ტერტერაშვილი.

დღის წესრიგი

1. „ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N30 დადგენილებაში ცვლილების შეტანის თაობაზე.

/მომხსენებელი-თინათინ შათირიშვილი/

2. ახმეტის მუნიციპალიტეტის საკუთრებაში არსებული, სოფელ ალავერდში მდებარე 3029.0 კვ.მ არასასოფლო-სამეურნეო დანიშნულების მიწის ელექტრონული აუქციონის წესით, აღნაგობის უფლებით განკარგვისას ქირის საწყისი წლიური საფასურის ოდენობის დამტკიცების შესახებ.  
/მომხსენებელი-თინათინ კუდიანაშვილი/

3. ახმეტის მუნიციპალიტეტის საკუთრებაში რეგისტრირებული უძრავი ქონების, ქალაქ ახმეტაში ყაზბეგის ქუჩაზე მდებარე 200 კვ.მ არასასოფლო-სამეურნეო დანიშნულების მიწის ფართის საპრივატიზებო ნუსხისა და პირობიანი ელექტრონული აუქციონის წესით პრივატიზების საწყისი საპრივატიზებო საფასურის დამტკიცების შესახებ.

/მომხსენებელი-თინათინ კუდიანაშვილი/

სხდომის თავმჯდომარემ კენჭისყრაზე დააყენა დღის წესრიგი.

სხდომას ესწრება 23 საკრებულოს წევრი.

მომხრე - 23

დღის წესრიგი დამტკიცდა.

მოისმინეს: „ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N30 დადგენილებაში ცვლილების შეტანის თაობაზე.

/მომხსენებელი-თინათინ შათირიშვილი/

მომხსენებელმა განმარტა:

**ა.ბ) ნორმატიული აქტის პროექტის მიზანი**

საჯარო სამართლის იურიდიული პირი – სახელმწიფო სერვისების განვითარების სააგენტოსთან გაფორმებული სათანადო ხელშეკრულების საფუძველზე ელექტრონული სისტემის მეშვეობით საჯარო სამართლის იურიდიული პირი – სახელმწიფო სერვისების განვითარების სააგენტოდან პერსონალური მონაცემების დამუშავება მხოლოდ იმ მოცულობით, რაც აუცილებელია შესაბამისი უფლებამოსილების განსახორციელებლად..

**ა.გ) ნორმატიული აქტის პროექტის ძირითადი არსი:**

სსიპ „სახელმწიფო სერვისების განვითარების სააგენტო“ ევროკავშირის ფინანსური მხარდაჭერით ახორციელებს პროექტს სახელწოდებით „ელექტრონული მმართველობის დანერგვა ადგილობრივ თვითმმართველობებში“.

პროექტის მიზანია ადგილობრივი თვითმმართველობების შესაძლებლობების განვითარება, თვითმმართველ ერთეულებში მმართველობის გაუმჯობესების, ადგილობრივი მოსახლეობისთვის ხარისხიანი მომსახურების მიწოდებისა და ადგილობრივი ინფრასტრუქტურის განვითარების გზით.

აღნიშნული მიზნის მისაღწევად, პროექტის ფარგლებში, ადგილობრივ თვითმმართველობებში ელექტრონული მმართველობის დანერგვის მხარდასაჭერად დაინერგა პროგრამული უზრუნველყოფა „მუნიციპალიტეტების მართვის სისტემა“ (მმს). სისტემის ძირითად დანიშნულებაა მოქალაქეთა მოთხოვნების ელექტრონულად აღრიცხვა, გადაწყვეტილების მიღების პროცესის ოპტიმიზაციის მიზნით პროცესების ავტომატიზაცია.

მმს-ის მეშვეობით, ყველაზე აქტუალური მუნიციპალური სერვისების ავტომატურ რეჟიმში წარმოება მიმდინარეობს.. აღნიშნული მუნიციპალური სერვისები ერთიანდება შემდეგ ჯგუფებში:

ა) ფიზიკური პირისთვის მაღალმთიან დასახლებაში მუდმივად მცხოვრები პირის სტატუსის მინიჭება, შეჩერება, შეწყვეტა, აღდგენა და სტატუსის შესახებ ცნობის გაცემა;

ბ) მუნიციპალიტეტის მიერ დამტკიცებული ჯანმრთელობის დაცვისა და სოციალური პროგრამები;

გ) სამშენებლო დოკუმენტაციის შეთანხმების, მშენებლობის ნებართვის გაცემის, სანებართვო პირობების შესრულებისა და შენობა - ნაგებობის ექსპლუატაციაში მიღებასთან დაკავშირებული მუნიციპალური სერვისები;

My.gov.ge-ზე რეგისტრირებულ ფიზიკურ და იურიდიულ პირებს შეუძლიათ დაარეგისტრონ განცხადება დისტანციურად, ზემოთ ჩამოთვლილ სერვისებზე მმს-ში ჩართულ ნებისმიერ მუნიციპალიტეტში. აღნიშნული განაცხადები ავტომატურად იგზავნება მუნიციპალიტეტის შესაბამის სამსახურებში, რომელებიც მმს-ის საშუალებით მართავენ საქმისწარმოების პროცესებს.

**სხდომის თავმჯდომარემ კენჭისყრაზე დააყენა საკითხი.**

**სხდომას ესწრება 23 წევრი.**

მომხრე - 19

მონაწილეობა არ მიიღო - (4) შ. ტერტერაშვილი, ვ. დედაბრიშვილი, გ. მაისურაძე, თ. ბოდაველი.

ახმეტის მუნიციპალიტეტის საკრებულომ მიიღო დადგენილება № 14 „ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის N30 დადგენილებაში ცვლილების შეტანის თაობაზე.

მოისმინეს: ახმეტის მუნიციპალიტეტის საკუთრებაში არსებული, სოფელ ალავერდში მდებარე 3029.0 კვ.მ არასასოფლო-სამეურნეო დანიშნულების მიწის ელექტრონული აუქციონის წესით, აღნაგობის უფლებით განკარგვისას ქირის საწყისი წლიური საფასურის ოდენობის დამტკიცების შესახებ.

/მომხსენებელი-თინათინ კუდიანაშვილი/

მომხსენებელმა გააცნო საკითხი:

1. დამტკიცდეს ახმეტის მუნიციპალიტეტის საკუთრებაში არსებული, სოფ. ალავერდში მდებარე 3029.0 კვ.მ არასასოფლო-სამეურნეო დანიშნულების მიწის ელექტრონული აუქციონის წესით, აღნაგობის უფლებით განკარგვისას: ს/კ 50.12.37.020

- წლიური ქირის საწყისი საფასური -2120 ,0 (ორიათას ას ოცი ) ლარის ოდენობით.
- სარგებლობის უფლებით გადაცემის ვადა 5 (ხუთი) წელი.

2. ძალადაკარგულად გამოცხადდეს ახმეტის მუნიციპალიტეტის საკრებულოს 2018 წლის 06 მარტის N8 განკარგულება - „ ახმეტის მუნიციპალიტეტის საკუთრებაში არსებული სოფ. ალავერდში მდებარე 3029.0 კვ.მ არასასოფლო-სამეურნეო დანიშნულების მიწის პირდაპირი განკარგვის წესით, აღნაგობის უფლებით შპს “ასიანისათვის“ გადაცემის შესახებ.

სხდომის თავმჯდომარემ კენჭისყრაზე დააყენა საკითხი.

სხდომას ესწრება 23 წევრი.

მომხრე - 20

მონაწილეობა არ მიიღო - (3) შ. ტერტერაშვილი, ვ. დედაბრიშვილი, გ. მაისურაძე.

ახმეტის მუნიციპალიტეტის საკრებულომ მიიღო განკარგულება № 39 ახმეტის მუნიციპალიტეტის საკუთრებაში არსებული, სოფელ ალავერდში მდებარე 3029.0 კვ.მ არასასოფლო-სამეურნეო დანიშნულების მიწის ელექტრონული აუქციონის წესით, აღნაგობის უფლებით განკარგვისას ქირის საწყისი წლიური საფასურის ოდენობის დამტკიცების შესახებ.

მოისმინეს: ახმეტის მუნიციპალიტეტის საკუთრებაში რეგისტრირებული უძრავი ქონების, ქალაქ ახმეტაში ყაზბეგის ქუჩაზე მდებარე 200 კვ.მ არასასოფლო-სამეურნეო დანიშნულების მიწის ფართის საპრივატიზებო ნუსხისა და პირობიანი ელექტრონული აუქციონის წესით პრივატიზების საწყისი საპრივატიზებო საფასურის დამტკიცების შესახებ.

/მომხსენებელი-თინათინ კუდიანაშვილი/

მომხსენებელმა გააცნო საკითხი:

1. დამტკიცდეს საპრივატიზებო ნუსხაში მუნიციპალიტეტის საკუთრებაში რეგისტრირებული ქალაქ ახმეტაში ყაზბეგის ქუჩაზე მდებარე 200 კვ.მ არასასოფლო-სამეურნეო დანიშნულების მიწის ფართი. (ს/კ 50.04.35.011)
2. დამტკიცდეს- ქალაქ ახმეტაში ყაზბეგის ქუჩაზე მდებარე 200კვ.მ არასასოფლო-სამეურნეო დანიშნულების მიწის ფართის
  - ა) საწყისი საპრივატიზებო საფასური-**2800.0** (ორიათას რვაასი) ლარის ოდენობით.
    - „ბე“-ს (უპირობო, გამოუხმობადი საბანკო გარანტიის) თანხა განისაზღვროს საწყისი საპრივატიზებო საფასურის 30% ით - **840.0** (რვაას ორმოცი) ლარის ოდენობით.
    - აუქციონის ბიჯის ოდენობა განისაზღვროს საწყისი საპრივატიზებო საფასურის 10% ით -**280.0 (ორასოთხმოცი)** ლარის ოდენობით.
    - საპრივატიზებო პირობა: პრივატიზებიდან ორი წლის განმავლობაში განხორციელდეს არანაკლებ 50000 (ორმოცდაათი ათასი ლარის ინვესტიცია).

სხდომის თავმჯდომარემ კენჭისყრაზე დააყენა საკითხი.

სხდომას ესწრება 23 წევრი.

მომხრე - 21

მონაწილეობა არ მიიღო - (2) შ. ტერტერაშვილი, თ. ბოდაველი.

